



La Tatou Faiva ma le Olaga Faa-Kerisiano

POLOKALAME MO LE SAUNIGA

Taulimaga Faata'ita'i

●○○ ULUA'I ASIASIGA

Fesili: Po o aogā pea le Tusi Paia i aso nei?

Mau: 2Ti 3:16

Mo le Isi Talanoaga: O le ā le fe'au autū o le Tusi Paia?



○●○ TOE ASIGA MUAMUA

Fesili: O le ā le fe'au autū o le Tusi Paia?

Mau: Mat 6:10

Mo le Isi Talanoaga: O le ā o le a faia e le Malo o le Atua?



○○● TOE ASIGA LONA LUA

Fesili: O le ā o le a faia e le Malo o le Atua?

Mau: Ta 2:44

Mo le Isi Talanoaga: E faapefea i lenei mea ona aafia ai le lalolagi?

E amata atu i le masina lenei, o le a lē toe aofia i sauniga taulimaga faata'ita'i eseese e tolu. Nai lo lea, o le a iai i le *Polokalame mo le Sauniga o le Faiva ma le Olaga Faa-Kerisiano* ni taulimaga faata'ita'i, e aofia ai se fesili amata, se mau, ma se isi fesili e sosoo ai le talanoaga, ina ia iloa ai le auala e faia ai se toe asiga. E na o le tasi le vitiō o taulimaga faata'ita'i o le a faaali i vaiaso ta'itasi. Ua tuu atu i le faitalia a tagata tala'i e filifili le lomiga e na te ofoina ma le taimi e ofo ai, po o le ulua'i asiasiga po o le toe asiga. E lē gata i lea, o le a iai i le polokalame ni manatu mo isi toe asiga e lua. O lenei faiga o le a fesoasoani iā i tatou e ua'i atu i lo tatou sini, o le a'oa'o o "i latou uma o ē ua saunia o latou loto mo le ola e faavavau."—Ga 13:48.

Tofiga a Tagata A'oga: E ao i tagata a'oga ona faata'ita'i mai le auala e faaaogā ai se taulimaga faata'ita'i, se'i vaganā ua faailoa atu se isi faatonuga.

- Pese 14 ma le Tatalo
- Upu Tomua (3 minu. pe itiiti ifo)

‘OA TAUTELE MAI I LE AFIGOA A LE ATUA

- **“Ua Latalata Mai le Malo o le Lagi”:** (10 minu.)
[Faaali le vitiō mo le *Faatomuaga o le Tusi o Mataio.*]
Mat 3:1, 2—Na faalauiloa atu e loane le Papatiso, ua toetiiti alia’e lē o le a aveva ma Pule o le Malo i le lagi (*nwtsty* faamatalaga mo su’esu’ega)
Mat 3:4—Na ola loane le Papatiso i se olaga faigofie, ma na tuuina atu atoatoa o ia e faia le finagalo o le Atua (*nwtsty* ata)
- **Sa’ili’iliga Loloto mo ‘Oa Faaleagaga:** (8 minu.)
Mat 1:3—E ui o le gafa o Iesu lea na ta’ua e Mataio e to’atele i tamāloloa, ae aiseā atonu na aofia ai ma ni fafine se to’alima? (*nwtsty* faamatalaga mo su’esu’ega)

Mat 3:11—E faapefea ona tatou iloa o le papatisoga, e uiga atu i le faatofu atoa o le tino i le vai? (*nwtsty* faamatalaga mo su’esu’ega)

O le ā ua e a’oa’oina mai i le faitau Tusi Paia o lenei vaiaso e faatatau iā leova?

O ā nisi ‘oa faaleagaga ua e a’oa’oina mai i le faitau Tusi Paia o lenei vaiaso?

- **Faitau Tusi Paia:** (4 minu. pe itiiti ifo) Mat 1:1-17

TOLENIGA MO LE FAIVA I LE FANUA

- **Vitiō o le Ulua’i Asiasiga:** (4 minu.) Faaali ma talanoa le vitiō.
- **Toe Asiga Muamua:** (3 minu. pe itiiti ifo) Taga’i i le itu. 1.
- **Su’esu’ega Faale-Tusi Paia:** (6 minu. pe itiiti ifo) *bhs* 47 ¶6-7

AUALA E OLA AI O SE KERISIANO

- Pese 72
- **Lipoti o le Auaunaga Faaletausaga:** (15 minu.) Lauga e faia e se toeaina. Pe a uma ona faitau le tusi mai i le ofisa o le lālā e tusa ai o le lipoti o le auaunaga faaletausaga, ia faatalanoa ni tagata tala’i ua uma ona filifilia, o ē na iai ni mea mata’ina na tutupu i la latou faiva i le tausaga ua mavae.
- **Su’esu’ega Faale-Tusi Paia a le Faapotopotoga:** (30 minu.) *jy* mata. 2
- Autalu Puupuu le Sauniga ma ia Fai se Aotelega o le Sauniga o le Vaiaso Fou (3 minu.)
- Pese 137 ma le Tatalo


MATAIO 1-3 | “Ua Latalata Mai le Malo o le Lagi”

3:4

- O le ofu o loane ma ona foliga vaai na iloagofie ai na ola o ia i se olaga faigofie e tuuina atu atoatoa e faia le finagalo o le Atua
- O le faaeaga tutasi o loane o le aveva ma lē e muamua atu iā Iesu, na sili atu nai lo so o se faataulaga na ia faia

E fesoasoani le ola i se olaga faigofie e tatou te faia ai le tele o mea i le auaunaga i le Atua, ma e matuā faamalieina ai. E mafai ona faafai-gofie o tatou olaga e ala i le . . .

- iloa o mea e mana’omia moni
- lē faaaluina o tupe i mea e lē mana’omia
- fuafua lelei o mea e faaalu ai tupe
- aveese o mea e lē o toe faaaogāina
- totogi o aitalafu
- faaitiitia o le taimi e soona faaalu i galuega

 O le ola i se olaga faigofie e mafai ona tuliloa ai lo’u sini o le _____



Na ‘ai loane i sē akerise ma le meli vao

- Pese 82 ma le Tatalo
- Upu Tomua (3 minu. pe itiiti ifo)

‘OA TAUTELE MAI I LE AFIGA A LE ATUA

- **“Lesona Mai i le Lauga a Iesu i le Mauga”:** (10 minu.)
Mat 5:3—E maua le fiafia pe a naunau i mea faaleagaga (nwtsty faamatalaga mo su’esu’ega)
Mat 5:7—E maua le fiafia pe a faaalua le alofa mutimuti-vale (nwtsty faamatalaga mo su’esu’ega)
Mat 5:9—E maua le fiafia pe a avea ma lē e faatupuina le filemu (nwtsty faamatalaga mo su’esu’ega; w07 12/1 17)
- **Sa’ili’iliga Loloto mo ‘Oa Faaleagaga:** (8 minu.)
Mat 4:9—O le ā na faasoosoina e Satani Iesu e fai? (nwtsty faamatalaga mo su’esu’ega)

Mat 4:23—O ā galuega tāua e lua na faia e Iesu? (nwtsty faamatalaga mo su’esu’ega)

O le ā ua e a’oa’oina mai i le faitau Tusi Paia o Ienei vaiaso e faatatau iā leova?

O ā nisi ‘oa faaleagaga ua e a’oa’oina mai i le faitau Tusi Paia o Ienei vaiaso?

- **Faitau Tusi Paia:** (4 minu. pe itiiti ifo) Mat 5:31-48

TOLENIGA MO LE FAIVA I LE FANUA

- **Ulua’i Asiasiga:** (2 minu. pe itiiti ifo) Taga’i i le itu. 1.
- **Vitiō o le Toe Asiga Muamua:** (5 minu.) Faaali ma talanoa le vitiō.
- **Lauga:** (6 minu. pe itiiti ifo) w16.03 31-32—Matua: Pe na Ave Moni e Satani Iesu i le Malumalu, Ina ua la Faaosoosoina Iesu?

AUALA E OLA AI O SE KERISIANO

- Pese 130
- **E Fiafia i Latou e Sauāina Ona o le Amiotonu:** (9 minu.) Faaali le vitiō *Le Aiga o Namgung: Faafalepui-pui Ona o lo Latou Faatuatua*, ona talanoa lea o lesona e a’oa’oina mai ai (vaega o vitiō FAATALANOAGA MA MEA NA TUTUPU).
- **“Ia Mua’i Faalelei ma Lou Uso—E Faapefea?”:** (6 minu.) Talanoaga. Faamatala pe aiseā e sa’o ai gaoi-oiga mulimuli o loo i lisi ta’itasi.
- **Su’esu’ega Faale-Tusi Paia a le Faapotopotoga:** (30 minu.) *jy* mata. 3
- Autalu Puupuu le Sauniga ma ia Fai se Aotelega o le Sauniga o le Vaiaso Fou (3 minu.)
- Pese 141 ma le Tatalo


MATAIO 4-5 | Lesona Mai i le Lauga a Iesu i le Mauga

5:3

Pe e te naunau e faamalie ou mana’oga faaleagaga?

O le faaupuga “o ē e naunau i mea faaleagaga,” o lona uiga o “ē e matitiva i le agaga.” (Mat 5:3; fpl.) E faailoa atu lo tatou naunau i le fesoa-soani faaleagaga mai i le Atua e ala i le . . .

- faitau o le Tusi Paia i aso ta’itasi
- sauniuni ma auai i sauniga faa-Kerisiano
- faitau o a tatou lomiga ma mataupu i la tatou uepega tafa’ilagi i taimi avanoa
- matamata i polokalame o masina ta’itasi i le TV i le Initaneti a Molimau a leova

 E faapefea ona faaleleia la’u faasologa o le ave i fale o mea’ai faaleagaga?



- Pese 21 ma le Tatalo
- Upu Tomua (3 minu. pe itiiti ifo)

‘OA TAUTELE MAI I LE AFIGOA A LE ATUA

- **“Ia Faaauau Ona Sa’ili Muamua le Malo”:** (10 minu.)
 Mat 6:10—O le Malo o se tasi o vala na muamua ta’ua i le tatalo faaa’oa’o, ma ua iloa ai le tãua o le Malo (*bhs* 204 ¶12)
 Mat 6:24—E lã mafai ona tatou pologa i le Atua atoa ma “Oa” (*nwtsty* faamatalaga mo su’esu’ega)
 Mat 6:33—O le a faamalieina e leova mana’oga o ana au-auna faamaoni o loo faamuamua le Malo i o latou olaga (*nwtsty* faamatalaga mo su’esu’ega; *w16.07* 12 ¶18)
- **Sa’ili’iliga Loloto mo ‘Oa Faaleagaga:** (8 minu.)
 Mat 7:12—E faapefea ona tatou faatatau lenei mau pe a sauniuni faatomuaga o taulimaga mo le tala’iga? (*w14* 5/15 14-15 ¶14-16)

Mat 7:28, 29—Na faapefea i a’oa’oga a Iesu ona aafia ai le motu o tagata, ma aiseã? (*nwtsty* faamatalaga mo su’esu’ega)

O le ã ua e a’oa’oina mai i le faitau Tusi Paia o lenei vaiaso e faatatau iã leova?

O ã nisi ‘oa faaleagaga ua e a’oa’oina mai i le faitau Tusi Paia o lenei vaiaso?

- **Faitau Tusi Paia:** (4 minu. pe itiiti ifo) Mat 6:1-18

TOLENIGA MO LE FAIVA I LE FANUA

- **Ulua’i Asiasiga:** (2 minu. pe itiiti ifo) Amata i le faa-aogãina o le taulimaga faata’ita’i. Tali atu i se teteega masani i lo outou vaipanoa.
- **Toe Asiga Muamua:** (3 minu. pe itiiti ifo) Amata i le faa-aogãina o le taulimaga faata’ita’i. Ua lã maua atu le tagata na e tau ai i le ulua’i asiasiga, ae ua e tau atu i sona tauaiga.
- **Vitiõ o le Toe Asiga Lona Lua:** (5 minu.) Faaali ma talanoa le vitiõ.

AUALA E OLA AI O SE KERISIANO

- Pese 118
- **“Alofia le Popole”:** (15 minu.) Talanoaga. Amata i le faaali o le vitiõ *Lesona Mai i Talafaatusa a Iesu—Ia Vaa-vaa Lelei i Manufelelei ma Lili o le Vao.*
- **Su’esu’ega Faale-Tusi Paia a le Faapotopotoga:** (30 minu.) *jy* mata. 4
- Aulalu Puupuu le Sauniga ma ia Fai se Aotelega o le Sauniga o le Vaiaso Fou (3 minu.)
- Pese 132 ma le Tatalo

MATAIO 6-7 | Ia Faaauau Ona Sa’ili Muamua le Malo

Na faailoa mai e Iesu i le tatalo faaa’oa’o, o mea e fesoota’i i le finagalo o leova ma lona Malo, e tatau ona avea ma mea e sili ona tãua i o tatou olaga.

6:9-13

- Suafa o le Atua
- Malo o le Atua
- Finagalo o le Atua



- Mea’ai i aso ta’itasi
- Faamagaloina o agasala
- Lavea’ia mai faaososoga



Nisi o mea e fesoota’i i le Malo e mafai ona ou tatalo ai:

- Faaauilumaina o le galuega tala’i
- Agaga paia o leova ina ia fesoasoani i ã o loo sauãina ina ia tumau pea
- Faamanuia a leova i ni galuega patino o faugãfale, po o tauiviga faapitua i le tala’iga
- Atamai ma le malosai mai le Atua ina ia ta’ita’ia ai i latou o loo ta’imua
- Isi

'Alofia le Popole

Na fetalai Iesu i lana Lauga i le Mauga: "Aua tou te toe popole i o outou ola." (Mat 6:25) E ui o se tulaga masani i tagata lē lelei atoatoa le iai o lagona popole a o ola ai i le lalolagi a Satani, ae na a'oa'o e Iesu ona soo ina ia 'alofia le soona popole. (Sl 13:2) Aiseā? O le soona popole e oo lava i mana'oga o aso ta'itasi, e mafai ona tosina ese ai i tatou, ma faigatā ai ona sa'ili muamua le Malo. (Mat 6:33) O faamatalaga a Iesu o loo mulimuli mai e fesoasoani iā i tatou e 'alofia ai le soona popole.

- Mat 6:26—O le ā e tatou te a'oa'oina mai le mātauina o manufeleei? (w16.07 9-10 ¶11-13)

- Mat 6:27—Aiseā e faapea atu ai o le soona popole e ma'ima'u ai le taimi ma le malosi? (w05 11/1 22 ¶5)

- Mat 6:28-30—O ā lesona e tatou te a'oa'oina mai i lili o le vao? (w16.07 10-11 ¶15-16)

- Mat 6:31, 32—O ā itu e ese ai Kerisiano mai i tagata o nuu ese? (w16.07 11 ¶17)



Ou te mana'o e 'alofia le soona popole i _____

- Pese 17 ma le Tatalo
- Upu Tomua (3 minu. pe itiiti ifo)

'OA TAUTELE MAI I LE AFIGA A LE ATUA

- **“Na Alofa Iesu i Tagata”:** (10 minu.)
 Mat 8:1-3—E mata’ina le alofa na faaalua e Iesu i se tagata lepela (*nwtsty faamatalaga mo su’esu’ega o le Mat 8:3*)
 Mat 9:9-13—Na alofa Iesu i ē na ‘ino’ino i ai isi (*nwtsty faamatalaga mo su’esu’ega o le Mat 9:10*)
 Mat 9:35-38—O le alofa o Iesu i tagata na uuna’ia ai o ia e tala’ia le tala lelei e oo lava i taimi na lēlavā ai, ma tatalo i le Atua mo nisi tagata faigaluega (*nwtsty faamatalaga mo su’esu’ega o le Mat 9:36*)
- **Sa’ili’iliga Loloto mo ‘Oa Faaleagaga:** (8 minu.)
 Mat 8:8-10—O le ā e tatou te a’oa’oina mai i le talanoaga a Iesu ma le ta’ita’i’au? (*w02 8/15 13 ¶16*)

 Mat 9:16, 17—O le ā le manatu na faamatalilata e Iesu i nei talafaatusa e lua? (*jy 70 ¶16*)

 O le ā ua e a’oa’oina mai i le faitau Tusi Paia o lenei vaiaso e faatatau iā leova?

 O ā nisi ‘oa faaleagaga ua e a’oa’oina mai i le faitau Tusi Paia o lenei vaiaso?
- **Faitau Tusi Paia:** (4 minu. pe itiiti ifo) Mat 8:1-17

TOLENIGA MO LE FAIVA I LE FANUA

- **Toe Asiga Lona Lua:** (3 minu. pe itiiti ifo) Amata i le faaaogāina o le taulimaga faata’ita’i. Valaulaia le tagata e auai i le sauniga.
- **Toe Asiga Lona Tolu:** (3 minu. pe itiiti ifo) Filifili sau lava mau, ma ofo se lomiga mo su’esu’ega.
- **Su’esu’ega Faale-Tusi Paia:** (6 minu. pe itiiti ifo) *bhs 53-54 ¶18-19*

AUALA E OLA AI O SE KERISIANO

- Pese 145
- **“Ua Faia o Ia e le Atua ma Alii ma Keriso”**—*Vaega 1, Vaaliga Puupuu:* (15 minu.) Talanoaga. Pe a mae’a ona faitau le Mataio 9:18-25 ma matamata le vitiō, ona tali lea o fesili nei:
 Na faapefea ona faaalua e Iesu lona manatu mamafa i le fafine ma’i ma lairo?


 E faapefea i lenei tala ona aafia ai lau vaai i valoaga a le Tusi Paia e faatatau i le lumana’i i le pulega o le Malo?


 O ā nisi auala e mafai ona e faaa’oa’o ai i le alofa o Iesu i tagata?
- **Su’esu’ega Faale-Tusi Paia a le Faapotopotoga:** (30 minu.) *jy mata. 5*
- Autalu Puupuu le Sauniga ma ia Fai se Aotelega o le Sauniga o le Vaiaso Fou (3 minu.)
- Pese 95 ma le Tatalo

MATAIO 8-9 | Na Alofa Iesu i Tagata

O loo faamatala i le Mataio mataupu e 8 ma le 9 se vaega o le faiva a Iesu i Kalilaia. O le faamālōlōina e Iesu o tagata na faaalua ai lona mana, ae sili ai ona tāua na faaalua mai ai le tele o lona alofa ma lona manatu mamafa i isi.

- 1 Faamālōlō e Iesu se lepela.—Mat 8:1-3
- 2 Faamālōlō e Iesu le auuana a se ta’ita’i’au.—Mat 8:5-13
 Faamālōlō le tinā o le avā a Peteru.—Mat 8:14, 15
 Tuliese temoni ma faamālōlō tagata mafatia.—Mat 8:16, 17
- 3 Tutuliese temoni fe’ai, ma auina atu i se lafu puua.—Mat 8:28-32
- 4 Faamālōlōina se tagata ua pē lona tino.—Mat 9:1-8
 Faamālōlō e Iesu se fafine na pa’i i lona ofu tele, ma faatūina le afafine o lairo.—Mat 9:18-26
 Faamālōlō tagata tauaso e to’alua ma se gūgū.—Mat 9:27-34
- 5 Na ia malaga i nuu ma aai, faamālōlō i ma’i eseese ma ma’i tigāina uma.—Mat 9:35, 36

 E faapefea ona ou faaalua atili le alofa ma le manatu mamafa i isi tagata?



- Pese 4 ma le Tatalo
- Upu Tomua (3 minu. pe itiiti ifo)

'OA TAUTELE MAI I LE AFIGA A LE ATUA

- **“Na Faafouina e Iesu Isi”:** (10 minu.)
 Mat 10:29, 30—E faafouina i tatou ona o le faamautinoaga a Iesu, e manatu mamafa mai leova iā i tatou ta’i-to’atasi (*nwtsty* faamatalaga mo su’esu’ega ma ata)
 Mat 11:28—O le auaua iā leova e faafouina ai (*nwtsty* faamatalaga mo su’esu’ega)
 Mat 11:29, 30—O le gau’i i le pulega ma le ta’ita’iga a Keriso e faafouina ai (*nwtsty* faamatalaga mo su’esu’ega o le Mat 11:29)
- **Sa’ili’iliga Loloto mo ‘Oa Faaleagaga:** (8 minu.)
 Mat 11:2, 3—Aiseā na faia ai e loane le Papatiso lenei fesili? (*jy* 96 ¶2-3)

Mat 11:16-19—O le ā lo tatou malamalama i nei fuaiupu? (*jy* 98 ¶1-2)

O le ā ua e a’oa’oina mai i le faitau Tusi Paia o lenei vaiaso e faatatau iā leova?

O ā nisi ‘oa faaleagaga ua e a’oa’oina mai i le faitau Tusi Paia o lenei vaiaso?

- **Faitau Tusi Paia:** (4 minu. pe itiiti ifo) Mat 11:1-19

TOLENIGA MO LE FAIVA I LE FANUA

- **Toe Asiga Lona Lua:** (3 minu. pe itiiti ifo) Taga’i i le itu. 1.
- **Toe Asiga Lona Tolu:** (3 minu. pe itiiti ifo) Filifili sau lava mau, ma se fesili e sosoo ai le isi talanoaga.
- **Su’esu’ega Faale-Tusi Paia:** (6 minu. pe itiiti ifo) *bhs* 51-52 ¶15-16—Valaaulia le tagata e auai i le sauniga.

AUALA E OLA AI O SE KERISIANO

- Pese 87
- **Faafouina Ē ua “Tigāina ma Mafatia i Avega”:** (15 minu.)
 Faaali le vitiō (vaega o vitiō FAATALANOAGA MA MEA NA TUTUPU). Pe a mae’a, ia talanoa fesili nei:
 O ā mea na tutupu talu ai nei na mana’omia ai e nisi le faafouina?

Ua faapefea ona saunia mai e leova ma Iesu faalaeiauga e faafouina ai, e ala mai i le faalapopotoga?

E faapefea ona avea le Tusi Paia ma puna o faalaeiauga e faafouina ai?

E faapefea ona tatou faafouina isi?


- **Su’esu’ega Faale-Tusi Paia a le Faapotopotoga:** (30 minu.) *jy* mata. 6, pusa i le itu. 20
- Autalu Puupuū e Sauniga ma ia Fai se Aotelega o le Sauniga o le Vaiaso Fou (3 minu.)
- Pese 138 ma le Tatalo

MATAIO 10-11 | Na Faafouina e Iesu Isi

11:28-30

“E Avegofie La’u Amo”

I le avea ai o Iesu ma kamuta, na ia malamalama i le auala fausia ai amo, ma atonu sa sai i se ‘ie po o pa’u o manu ina ia faigofie ai ona amo. O le taimi o le papatisoga na tatou talia ai le amo a Iesu o le avea ma soo, ma talia ai fo’i galuega ma tiute tauave faigatā. Peita’i, o le faia faapea e faafouina ai ma maua ai le tele o faamanuiaga.

 O ā faamanuiaga ua e olioli ai talu ona e talia le amo a Iesu?



Ia Mua'i Faalelei ma Lou Uso—E Faapefea?

Se'i faapea o loo e nofo i Kalilaia a o soifua Iesu. Ua e malaga i Ierusalem e faamanatu le Tausamiga o Fale Lauvao, ma ua tumu le aai i tagata tapua'i mai i nuu mamao. Talu ai o loo e mana'o e faia se taulaga iā leova, o lea na e alu ai ma ta'ita'i se 'oti e ui atu i magāala tumutumu o le aai aga'i i le malumalu. E te taunuu atu i le malumalu, o loo iai fo'i le to'atele o tagata o loo manana'o e fai a latou taulaga. Ua oo nei i le taimi e avatu ai lau 'oti i ositaulaga, ae e toe manatua lava e iai le mea e lē o fiafia ai lou uso iā te oe, ma atonu o loo iai o ia i le aai po o lenei motu o tagata. Na faamatala mai e Iesu le mea e tatau ona e faia. **(Faitau le Mataio 5:24.)** E faapefea ona e tausia le filemu ma lou uso e tusa ai ma le faatonuga a Iesu? Faailoga le tali sa'o i lisi o loo i lalo.



E AO ONA E . . .

- faato'ā talanoa i lou uso pe a e iloa e iai se māfuaaga tatau o lona lē fiafia
- taumafai e faasa'o lou uso ona e te manatu ua mā'ale'ale na'uā ona faalogona pe e iai fo'i sona sesē
- faalogologo ma le onosa'i a o faailoa mai faalogona o lou uso, ma e tusa pe e te lē malamalama atoatoa, ia faatoese atu ona o ona faalogona tigā po o i'uga fo'i e te le'i mafau-fauina o au gaoioiga

E AO I LOU USO ONA . . .

- faamatala atu i isi o le faapotopotoga le auala na e faatigā ai iā te ia
- inainā mai iā te oe, faamatala au'ilili mai mea na e sesē ai, ma mana'o e te ta'utino atu o oe e sesē
- amana'ia lou lotomaulalo ma le lototele e talanoa atu iā te ia, ma ia faamagalalo ma le lotoatoa

- E ui e lē o toe faia ni taulaga i manu i la tatou tapua'iga i aso nei, ae o le ā na a'oa'o mai e Iesu e faatatau i le fesoota'iga o le tausia o le filemu ma o tatou uso, ma le talia e le Atua o la tatou tapua'iga?

